



**Nasjonalparkstyret
for Reinheimen**

Postadresse
Postboks 987
2604 LILLEHAMMER

Besøksadresse
Norsk Fjellsenter,
Brubakken 2, 2686 Lom
Norsk Tindesenter
Havnegata 2, 6300 Åndalsnes

Kontakt
Sentralbord: +47 61 26 60 00
Direkte: +47 61 26 62 05
sfinpost@statsforvalteren.no
<http://www.nasjonalparkstyre.no/reinheimen>

Jan Steinar Grøtta
Veøyvegen 5
6360 Åfarnes

Saksbehandler Mari Melbø Rødstøl

Vår ref. 2021/6015-5 432.2

Dykkar ref.

Dato 07.07.2021

Romsdalen LVO - dispensasjon - 2021 - oppsetting av gjerde / utmarksnetting rundt hytte - Trollhaugen gbnr 82/27 - Jan Steinar Grøtta

Nasjonalparkstyret har i styremøtet 2. juni samrøystes vedtatt følgjande:

Med heimel i verneforskrift for Romsdalen lvo §3, pkt 1.3, bokstav i), får Jan Steinar Grøtta avslag på å gjerde inn hytteeigendommen gnr. 82, bnr. 27 i Brøstdalen.

Jan Steinar Grøtta får med heimel i verneforskrift for Romsdalen lvo §3, pkt 1.3, bokstav c), dispensasjon til å sette opp gjerde kring terrassen/plattingen på baksida av hytta.

Løyvet er gjeve med følgjande vilkår:

- *Frist for gjennomføring av tiltaket er 01.10.2024.*
- *Gjerdet må følgje dei eksisterande kantane til plattingen som ligg på baksida av hytta.*
- *Gjerdet må være av tremateriale og det må målast/beises i samme farge som hytta.*
- *Gjerdet kan ikkje være høgare enn 1m.*

Klage

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova § 28. Ei eventuell klage skal rettast til Miljødirektoratet, men sendast til Nasjonalparkstyret for Reinheimen.

Kopi av saksprotokoll er vedlagt.

Med helsing

Mari Melbø Rødstøl
nasjonalparkforvaltar

Etter våre rutinar er dette brevet godkjent og sendt utan underskrift

Kopi til:

Statsforvalteren i Innlandet	Postboks 987	2604	LILLEHAMMER
Statsforvalteren i Møre og Romsdal	Postboks 2520	6404	MOLDE
Statens naturoppsyn v/Thomas Rødstøl			
Statens Naturoppsyn v/Per Olav Haugen			
Rauma kommune	Vollan 8A	6300	ÅNDALSNES
Kristine Sørli			



Saksframlegg

Arkivsaksnummer: 2021/6015-2

Saksbehandlar: Mari Melbø Rødstøl

Dato: 12.06.2021

Utval	Utvalssak	Møtedato
Nasjonalparkstyret for Reinheimen	36/2021	02.07.2021

Romsdalen LVO - dispensasjon - 2021 - oppsetting av gjerde / utmarksnetting rundt hytte - Trollhaugen gbnr 82/27 - Jan Steinar GrøttaSaksprotokoll i Nasjonalparkstyret for Reinheimen - 02.07.2021

Samrøystes som innstillinga.

Vedtak

Med heimel i verneforskrift for Romsdalen lvo §3, pkt 1.3, bokstav i), får Jan Steinar Grøtta avslag på å gjerde inn hytteeigendommen gnr. 82, bnr. 27 i Brøstdalen.

Jan Steinar Grøtta får med heimel i verneforskrift for Romsdalen lvo §3, pkt 1.3, bokstav c), dispensasjon til å sette opp gjerde kring terrassen/plattingen på baksida av hytta.

Løyvet er gjeve med følgjande vilkår:

- Frist for gjennomføring av tiltaket er 01.10.2024.
- Gjerdet må følgje dei eksisterande kantane til plattingen som ligg på baksida av hytta.
- Gjerdet må være av tremateriale og det må målast/beises i samme farge som hytta.
- Gjerdet kan ikkje være høgare enn 1m.

Dokument i saka

Søknad 18.05.2021 på e-post frå Jan Steinar Grøtta.

Saksopplysningar

Jan Steinar Grøtta søkte om å få sette opp eit gjerde rundt hytteeigendommen sin i Brøstdalen for å halde unna sau på beite. Han har allereie satt opp nokre gjerdestolpar og var tenkt å sette opp eit nettinggjerde rundt heile eigendommen. Han vart oppmerksom på at dette var søknadspliktig og sendte ein søknad på e-post 18. mai. Etter ein telefonsamtale med Jan Steinar Grøtta, fekk vi vite at han strevde med møkk på plattingen som var bak hytta og at sau kunne ta seg inn til den lille verandaen ved inngangspartiet. Inngangspartien kunne han fint fikse ved å sette opp ein stengsel når han ikkje var på hytta, og han ville bli nøgd om han kunne få satt opp eit gjerde rundt plattingen.



Alle foto: SNO ved Thomas Rødstøl

Søknaden

Jeg søker hermed om oppsetting av gjerde rundt hytta Trollhaugen g.nr.82, br.nr.27 som ligger i Romsdalen LVO. For å få sauene bort fra husveggene rundt hytta og uthus samt inngangsparti søkes det om at gjerdet går fra nedsatte bytesteiner i alle 4 hjørner på tomten. Tomta er eiet og er på ca. 1 mål. Som gjerde er det tenkt brukt vanlig sauenetting/ utmarksnetting med runde 8 cm tykke stolper, og grind på veien inn til hytta, samt snal grind på stien mot fjellet.



Heimelsgrunnlag

Delegering

Nasjonalparkstyret for Reinheimen har delegert forvaltningsmyndigheit for Reinheimen nasjonalpark og tilhøyrande landskapsvernområde og naturreservat i medhald av naturmangfaldlova § 62 og nasjonalparkstyret sine vedtekter, sist revidert 01.03.2020.

Søknaden er vurdert i samsvar med:

- Verneforskrift for Romsdalen landskapsvernområde, 24.11.2006
- Naturmangfaldlova, 19. juni 2009 nr. 100.
- Forvaltningsplan for Reinheimen, mars 2010.

Verneformål – forskrift

Formålet med opprettinga av Romsdalen landskapsvernområde er å ta vare på eit særprega og vakkert natur- og kulturlandskap med det biologiske mangfaldet som pregar landskapet. Ein del av verneområdet har verdi som leveområde til villreinen i Ottadalen. Området har også geologiske verneverdiar og dei bratte fjellsidene mot Romsdalen utgjer eit særprega landskapselement. Etter verneformålet skal ålmenta ha tilgang til naturoppleving gjennom utøving av tradisjonelt og enkelt friluftsliv.

§3 punkt 1.1 Inngrep i landskapet

Området er verna mot inngrep som vesentleg kan endre eller verke inn på landskapet sin art eller karakter. Med dei unntaka som følgjer av forskrifta punkt 1.2. og 1.3. er det forbod mot inngrep som oppføring, påbygging og ombygging av bygningar eller anlegg og andre faste eller midlertidige innretingar, vegbygging, vassdragsregulering, oppdemmingar, inngjerding av utmarksareal, oppdyrking og beitekulturvering, treslagsskifte, drenering og annan form for tørrlegging, uttak, oppfylling, planering og lagring av masse, framføring av luftleidningar, bergverksdrift og annan form for grave-, sprengings- eller borearbeid, sprøyting med kjemiske middel, plassering av campingvogner og bubilar, riving av seteranlegg, etablering og merking av turstiar, forureining og forsøpling. Kulturminne skal vernast mot skade og øydelegging. Opplistinga er ikkje uttømmende.

Punkt 1.3.

Forvaltningsstyresmakta kan gje løyve til:

- c) Ombygging og tilbygg til eksisterande bygningar i samsvar med forvaltningsplanen.
- i) Gjerding i utmark og bygging av sankekveer.

Forvaltningsplan

Forvaltningsplanen utdypar §3 .Alle former for fasadeendringar som fører til endra bruk av bygget er søknadspliktige. Ved vurdering av om eit tiltak er ei fasadeendring, vil ein leggje vekt på om endringa fører til at bygget blir meir eksponert i forhold til omgjevnadene og om fasadeendringa vesentleg endrar bygget sin karakter. Døme på slike endringar kan vere val av skarpe fargar til utvendig måling.

Når det gjeld bokstav i, (gjerding og sankekveer), står det i forvaltningsplana at:

det ikkje blir opna for å gjerde inn hytter og buer.



Naturmangfaldlova

I medhald av nml § 7, skal søknaden vurderast etter dei miljørettslege prinsippa i nml §§ 8-12, og presedensverknad. Presedens

Presedens

I enkeltsaker skal ein vurdere verknaden av presedens ved at andre kan få dispensasjon til liknade tiltak i verneområdet. Dette følgjer ikkje minst krav til likebehandling.

Presedensvurdering bør vera så konkret som mogleg, jf. Retningsliner for vurdering av presedens i byggesaker etter naturmangfaldloven § 48, gjeve av KLD, ved brev frå Miljødirektoratet 02.03.2015.

Vurdering

Det står presisert i forvaltningsplana til Romsdalen landskapsvernområde at det ikkje blir opna for å gjerde inn hytter og buer. Jan Steinar Grøtta hadde i utgangspunktet planlagt å gjerde inn heile hyttetomta på vel 1 mål. Etter ein samtale med Jan Steinar Grøtta kjem det fram at han vil bli nøgd om han får gjerde inn plattingen sin. Det er dette området dei brukar å være på når dei er ute.

Eit lite gjerde rundt plattingen vil verken skjemma hyttas fasade eller føre til at ein privatiserar utmarksarealet. Plattingen høyrer med til sjølve bygget, og med same farge som hytta, vil dette være ein naturleg del av hytta. Det er lett at dyra legg seg til hytteveggane og skit på plattingen. Det vil nok være til stor nytte for hyttegeiaren om ein kan hindre at sau tek seg inn på plattingen.

Tiltaket må vurderast mot naturmangfaldlovas §§ 8-12, jf. § 7.

Kunnskapsgrunnlaget (§ 8) er godt dokumentert gjennom naturbasen. Det er god oversikt over kva som kan påverke landskap, økosystem, naturtypar og artar. Presedensvurderinga er ein viktig bakgrunn for å avslå søknaden om å sette opp eit gjerde rundt heile eigendommen. Det er mange hytter i Brøstdalen som kan komme til å søke om det samme. Eit av verneformåla til landskapsvernområdet er at ålmenta skal ha tilgang til naturoppleving gjennom utøving av tradisjonelt og enkelt friluftsliv. Om alle hytteeigendomme i Brøstdalen blir inngjerda, vil dette belaste den frie ferdselen i utmark. Ein vil lett føle at ein bevegar seg på privat og ulovleg grunn, om ein passerar eit oppsett gjerde rundt ein hytteeigendom. Ved å avslå søknaden om å sette opp gjerde rundt heile hytteeigendommen fylgjer vi såleis føre var prinsippet, jmf. nml § 9.

Etter § 10 "Økosystemtilnærming og samlet belastning", skal eit vedtak vurderast i høve til samla påverknad/forstyring i verneområdet. Eit gjerde rundt sjølve plattingen vil ikkje føre til meir privatisering og heller ikkje skade verneverdiane i landskapsvernområdet. § 11

Kostnadene ved miljøforringing skal berast av tiltakshavar og § 12 Miljøforsvarlege teknikkar og driftsmetode er vurdert til ikkje relevant.

Når Jan Steinar Grøtta var nøgd med å gjerde inn plattingen sin på baksida av hytta, var dette ein fin løysing. Eit enkelt tregjerde rundt sjølve plattingen vil ikkje føre til meir privatisering enn om plattingen var utan eit gjerde.

Ut i frå ei totalvurdering meiner vi at eit gjerde rundt plattingen ikkje strir mot vernevedtaket sitt føremål og påverkar ikkje verneverdiane nemneverdig.